


成案質疑

課程三錢債
市廛祭祀

卷八之三
十一




漢書門	九二四八	七五〇八	七五
類	號	函	架

內閣文庫	漢書	九二四八	七五〇八	二九
類	號	函	架	冊

內閣文庫	番號	漢	9248
冊數	75	(19)
函號	296	100	

七九



兩起私販撞遇同行拒捕仍照十人以下科斷

康熙四十九年 月刑部會看得盜犯孫文學等拒捕戮死巡役台
嚴一案據直撫趙弘燮審擬斬絞成杖具題前來查孫文學與高罐
子張二李五張大馬三共六人各持扁担在塩攤偷塩挑賣有另起
盜犯李仲王鼓手陳禿子盧小水盧四共五人亦買塩肩挑私賣撞
遇搭伴同行康熙四十八年六月二十日文學與罐子先至文安縣
所屬龍街東窪被巡役台嚴陳俊遇見追拿文學等棄塩走入高糧
地內躲藏台嚴等趕至文學即持扁担拒捕台嚴放鎗中傷文學之
腹李仲王鼓手即架文學而竄高罐子向前救護時台嚴滑倒罐子
即拔所佩小刀扎傷台嚴眼胞腦後等處台嚴傷重當即殞命各犯
棄塩而逸至本年七月初八等日陸續拿獲高罐子等歷審情真孫
文學與李仲等原係兩起撞遇同行均未及十人又無兵仗响器孫



文學合依盜徒十人以下原無兵仗遇有追捕拒敵因而傷人者爲首處斬律擬斬監候秋後處決高罐子合依中途打奪罪人因而傷人者絞律擬絞監候秋後處決李仲玉鼓手陳禿子盧小水盧四不曾下手俱合依爲從律僉妻發邊衛充軍至配所杖一百折責四十六板趙連璧黃豆芽雖供康熙四十六七兩年賣過私鹽但非此案內夥犯又並未獲盜應照獲人不獲盜律均免罪巡役陳俊將趙良璧等妄行指報應照不應重律杖八十折責三十板私鹽變價入官逸犯張二李五張大馬三嚴緝獲日另結奉

上孫文學依擬應斬高罐子依擬應絞俱着監候秋後處決餘依議

十人以上販私拒捕殺人無軍器者

康熙三十六年十月刑部會覆浙撫線一信疏稱任良文等一十九人駕船三隻與販私鹽被寧海縣捕役趙宇等撞獲王學信等拒捕毆傷捕役又連船帶往適風浪狂湧巡船被鹽船撞破致趙宇等一十三人並遭溺死任良文等似應照律擬絞但致死多命應否援赦宥免聽候部奪等因具題臣部等衙門以趙宇等一十三人雖稱風浪破船溺死何趙宇同舟之章天德又未畢命趙宇等溺死之處並無証據且章天德先供捕役水手俱被打下水去等語趙宇等一十三人或係王學信等拒捕殺死亦未可定行令該撫再行詳審定擬具題到日再議等因具題咨行在案今據該撫會同總督巡鹽御史疏稱任良文等原非同夥章天德先供捕役水手打下水去一語慮罪供吐不清實無改捏情弊至天德已從學信威脅幫打隨登學信之

船故不與趙宇等同舟共溺相應均照原擬仍候部奪等因前來除任良清取供後病故不議外任良文何良進章時斗董老二任六劬邵小天鄭長老章崇赤鄭日升均合依鹽徒聚衆十人以下原無兵仗遇有追捕拒敵因而傷至二人以上者下手之人比照聚衆中途打奪罪人因而傷人絞律擬絞監候助毆之章天德合依爲從發邊衛充軍律發邊衛充軍將水程限單影射私鹽之吳叔成黃念和方永怡合依將舊引影射鹽貨者同私鹽法杖一百徒三年律各徒三年但伊等事犯在

赦前俱免罪仍向任良文等名下照例追埋葬銀兩給付死者之家脫逃王學信等亦應免緝鹽船變價入官奉

旨依議

私梟打死二命不知毆死情由仍擬徒罪

康熙二十五年七月刑部覆浙撫金題湯小鬼等八人販賣私鹽遇鹽商江弘殷義男江子龍工人陳君榮盤詰被小鬼同彭爲珍舉木拐毆打子龍君榮斃命小鬼合依凡鹽徒十人以下遇捕拒敵傷至二人以上爲首者斬彭爲珍依下手之人比照聚衆中途打奪罪人因而傷人律絞彭爲木高國文徐八周君魁依不曾下手律發邊衛充軍陳原薛延茂審係拋鹽在後不知毆死人命情由依凡私鹽律各杖一百徒三年奉

旨依議



捧拾遺鹽傷人斃命

雍正八年二月刑部會議覆蘇撫張 疏稱緣浙省沿海被潮災民
肩挑零鹽易米度日謝良陳俊山孫漢良王子相陳二各向場灶乞
得零鹽肩挑換米途遇同輩知吳江縣鹽價稍昂于雍正三年七月
十六日夥同挑至盛澤鎮地方當被巡鹽弁兵查拏陳二王子相孫
漢良避入王仁店內餘犯棄鹽逃走謝良陳俊山被巡兵擒獲逸犯
復回奪鹽拒捕將巡兵韋勳侯水手徐高馮四王大趙四打傷俱各
脫逃徐高傷重殞命當獲私鹽一千三百一十六斤王仁將陳二等
解縣歷審各供挑賣零鹽是定並非買自場灶亦未拒捕傷人質之
兵役供吐相符謝良陳俊山遇捕不避情類拒捕應比照鹽徒拒敵
不曾下手律擬軍王子相陳二照販私律擬徒其致死之正兇并拒
捕傷人各犯緝獲另結等因具題臣部以謝良等如果無結夥販私

何致一時聚集即稱各犯俱係途遇但在浙省海寧挑鹽同行至江省吳江地方已非一日而在逃各犯豈有不知姓名一人之理再查疏內所載謝良陳俊山俱驗有刀鎗傷謝良等若非拒捕因何各負重傷看此謝良等合夥販私拒捕殺傷兵役之處顯然承審各官並不將寔情究出反稱各犯俱係貧民其鹽零星乞得任意捏飾將殺人重犯並買私場灶盡行開脫如此枉法徇私其販私之弊終何底止應令該撫另委賢員再加研審務得寔情妥擬具題并將賣私之場灶及沿途失察各官開脫之承審各官一併查叅等因題咨去後今據署撫彭 疏稱謝良等均係浙民挑販私鹽途遇不識姓名賣鹽之人至盛澤鎮易米遇兵追捕謝良陳俊山孫漢良陳二王子相被擒餘梟棄鹽而逸卞年在地捧拾遺鹽巡船水手周二不容將扁担扭擊卞年小張見而不平輒行喝打卞年遂掌批周二之頰徐高

奔護卞年脫逃徐高卽將小張毆打小張遂持王仁家門毆徐高左後肋徐高拉住不放小張慮被衆毆急圖脫身拔取身佩小刀戮傷徐高頂心徐高釋手小張亦卽逸去適王賽在傍正欲相勸徐高疑爲小張同夥拳毆王賽王賽拾小張所棄門毆徐高左後肋見衆兵趕至而遁正在尋拏不期浙梟復回奪鹽將兵丁韋勳候毆傷徐高毆斃至于謝良陳俊山刀鎗傷痕係兵丁追趕之時砍戳並非拒捕受傷前因王仁未將王賽等供出未得寔情止將謝良等問擬軍流徒罪經前撫臣張 審題部覆行令委員確審旋改委吳縣究獲王賽供出拾鹽起釁寔情拿獲小張等審明前情不諱查小張拾鹽毆打于前衆梟復回奪鹽于後不期而遇寔非勾通同夥除孫漢良陳二王明加陳子懷王三俱取供後病故不議外小張合依搶奪傷人律擬斬監候奉

旨之日照例刺字卜年王賽俱合依爲從減一等律杖一百流三千里王
仁合依証佐不言實情減罪人罪二等律杖一百徒三年謝良陳俊
山王子相陳二俱合依犯無引私鹽律杖一百徒三年等因具題除
孫漢良先于取供後在吳縣監病故陳二于該撫前次具題在吳江
縣監病故續獲盜犯王明加陳子懷差押在外病故王三于取供後
在吳縣監病故均不議外小張合依搶奪傷人爲首者斬律擬斬監
候秋後處決照例刺字卜年王賽均合依爲從減一等律各僉妻流
三千里至配所責四十板俱照例刺字王仁合依証佐不言寔情減
罪人罪二等律徒三年至配所責四十板謝良陳俊山王子相并續
獲之陳二俱合依犯無引私鹽律徒三年至配所各折責四十板其
毆死徐高并毆傷辜勳侯等不知姓名兇徒緝獲另結所獲私鹽變
價入官奉

旨小張依擬應斬着監候秋後處決其不行審出寔情降調之鄭金着赴
部引見

發回水手圖利捕私致傷人命

雍正七年五月刑部會議覆蘇撫尹 疏稱沈六與劉馬張李廷玉
及錢五范興袁二沈八蔣二陸大唐四寶潘了頭衛聶錢引天興
李世昌皆係陸飛九船上水手緣有松江城守營把總杜日明奉委
在華婁二縣緝私該把總因華婁地方河港繁多私鹽出沒之處不
一曾募熟識河路船戶隨巡引導陸飛九因而應募遂雇沈六等操
舟後杜日明巡屆期滿已將陸飛九人船發回雍正五年八月初七
日沈六等回至塘港橋地方陸飛九與沈六聞有私鹽經過卽云往
孛沈六等輒持械登岸望見負提私鹽人至分路喊捉衆犯將鹽棄
水奔竄石還觀手提籃鹽落後被劉馬張先趕毆石還觀肩甲一棍
石還觀向前奔至清水港邊拋鹽在水轉身欲遁沈六追至卽用鎗
迎戳中其心坎偏左以致石還觀受傷仰跌墮河斃命當經里甲見

而趨救沈六等棄鹽逃回惟李廷玉當場被獲初八日石還觀屍浮
 水面隨有屍兄石元觀認撈報驗沈八等卽于是夜仍駕陸飛九之
 船往彼搶屍希圖滅跡地方人等驚知喊擒沈八等棄船逃回旋經
 陸續拏獲沈六等歷審不諱除陸飛九在監病故不議外沈六持鎗
 行兇立斃人命合依故殺律擬斬監候刺字劉馬張棍毆石還觀肩
 甲傷非致命應與執持刀槩並未傷人之錢五范興袁二及同行未
 經執械之李廷玉俱照餘人律先行發落起意拏鹽搶屍之沈八爲
 從在船之蔣二陸大唐四寶潘了頭衛聶斃錢引天興李世昌緝獲
 另結等因具題沈六合依故殺律擬斬監候刺字劉馬張等已經照
 杖折責毋庸議所獲船隻變價入官沈八等獲日另結又稱石還觀
 等之鹽俱係手提背負不過二三十斤不在禁例陸飛九入船先據
 巡鹽官發回營縣並無失察應免議陸飛九係應擬杖之犯該縣先

旨依議

因案未審明是以以禁職名免其查開監斃陸飛九之官獄官係奉
 賢縣典史王慶吉相應附奏等語應將監斃杖犯陸飛九之官獄官
 奉賢縣典史王慶吉照例罰俸六個月奉

鹽梟多人傷死二命承問官刪去重犯朦混具題

雍正六年四月刑部會議覆先據福撫毛 疏稱寧德縣民彭瑞仁

彭廷璽駕船爲生于雍正四年五月內在附近臨場地方遇肩挑背負食鹽貧其價賤零星買湊圖得高價彭瑞仁與彭廷璽一舡裝鹽四担陳蒂益謝士及謝文贈謝朝明等一船裝鹽五担于五月三十日夜同泊米沙新港候潮有寧福帮水客林天繼同夥鄭建如李大年翁于言等雇阮長盛林胡弟之船往溪池倉去經過沙新港見彭瑞仁等二船裝有私鹽卽行查拏瑞仁恐鹽被獲執持竹篙叫打謝士及謝文贈亦各執木篙亂毆時值昏夜致傷鄭建如額顱腦後腰眼等處李大年頂心心坎等處俱落水身死翁于言阮長盛林胡弟俱各受輕傷已經平復將彭瑞仁等擬以斬絞戍罪具題臣部以彭瑞仁等果係零星小販何敢逞兇拒敵將鄭建如等打傷落水斃命

翁于言等亦俱被毆傷而彭瑞仁等反無一受傷之人卽彭瑞仁等私鹽雖稱買自鑑江而陳帝益等所販之鹽買自何處並不究明看此彭瑞仁等明係大夥販私持械拒捕殺人之積梟承審各官並不跟究黨羽只將彭瑞仁等審擬不合且彭瑞仁等在鑑江地方行至米沙新港其經由地方失察各官又不查叅事閱大夥販私拒捕致傷二命未便率結應令該撫另委賢員嚴審妥擬具題并將失察及不行審出寔情之各官一併查叅等因題駁咨行去後今據該撫常

疏稱彭瑞仁等各駕船販私營利彭瑞仁彭廷璽一舡在鑑江買鹽四担謝士及陳帝益謝文贈謝朝明一船在漳灣買鹽五担又謝五玉同顏陳壽謝老進一船在鑑江買鹽五担彭桂生同謝吉官謝發一船在鑑江買鹽三担各夥各船于雍正四年五月三十日夜四船偶遇同泊米沙新港候潮二更時分有水客林大衢夥計鄭建如

等雇阮長盛之船隨潮巡緝見彭瑞仁等各船卽行查拏彭瑞仁情急執持竹篙爲首喊打謝士及謝文贈顏陳壽彭桂生四犯聞聲亦名執木棹竹篙幫助拒捕昏黑之際致鄭建如李大年受傷落水身死翁于言等亦各受傷平復前任寧德縣叅革知縣陳道凝獲犯審訊未經審出顏陳壽彭桂生二船同時拒捕情事止將彭瑞仁謝士及二船六犯擬以斬絞軍罪前撫臣毛 卽行單諭着將顏陳壽彭桂生二船人犯摘出分案另結是以司府遵照止將彭瑞仁等六名分別定擬詳題茲准部駁委員確審各犯供認不諱詰其是否大夥積梟則稱各駕小艚長止丈餘止堪載鹽四五担各舡各本並非同夥寔係不期而遇同泊一處適逢水客巡緝相助拒捕究其何無被傷則稱隔船相打所執俱係長篙哨船所執短椿因打不着所以無傷亦不知何人打傷鄭建如等落水等語查各犯雖在十人以上並

非大船亦無旂號兵仗嚮器其四船確非同夥應照十人以下原無
兵仗拒捕傷人律問擬將謝士及等審擬具題前來除爲首之彭瑞
仁下手之謝文贈不曾下手之彭廷璽謝朝明已經病故下手之謝
士及續據該撫題報病故均不議外顏陳壽彭桂生俱係拒捕殺傷
人之犯不應如該撫所題照聚衆打奪傷人律擬絞均應改照凡犯
無引私鹽拒捕者斬律擬斬監候不曾下手之陳蒂益謝五王謝老
進謝吉官謝發合依鹽徒原無兵仗遇有追捕拒敵傷人其不曾下
手者仍爲從論發邊衛充軍律各僉妻發邊衛充軍至配所折責四
十板船監俱變價入官叅革知縣陳道凝始則不能審出顏陳壽彭
桂生二船拒捕傷人情事朦朧招解繼復聽從毛 單諭將拒捕殺
人重犯刪去甚屬不合顏陳壽係應擬斬之犯陳道凝應照官司故
出人罪者以全罪論若未決放聽減一等律僉妻流三千里至配所

責四十板毛 身任封疆大吏一切刑名理應秉公究擬據

母枉母縱方稱厥職今既不能審出寔情又擅刪要犯六名只以六
名稱爲零星小販希圖混結欺罔朦蔽情殊可惡查律內各衙門合
奏公事須要依律定擬罪名具奏若有增減緊關情節朦朧施行後
經鞫問明白斬監候等語毛 應照此律擬斬監候再顏陳壽拒捕
殺人該司府俱不能審出寔情草率轉詳復又聽從毛 單諭扶同
將要犯顏陳壽等六名刪去朦混詳題大負職守職名未便邀免仍
令該撫速行查叅失察與販私鹽之寧德縣典史孫應齡照例降二
級留任典史無級可降應革職留任知縣陳道凝已于本案擬流福
寧鎮標把總劉英已于沙汰案內革職均毋庸議除承審監斃一名
之署寧德縣王祚昌寧德縣知縣申茂按察使喬學尹均照例免議
外應將監斃軍犯謝朝明彭廷璽二名之寧德縣典史孫應齡照例

罰俸三個月孫應齡又監斃絞犯謝文贈一名照例再罰俸一個月
監斃斬犯彭瑞仁一名之福州府司獄錢得位照例罰俸一個月奉
旨依議欽此欽遵查毛 係旂人相應行文該撫將毛文銓照例解部監
候

買鹽在四十斤以下拒捕殺人依開殺律定擬

雍正四年七月刑部會議覆蘇撫張 疏稱婁縣民朱二與陸二陸
慶許大皆濱海貧民雍正三年七月初十日肩挑菜腐等物沿海換
賣錢米大麥而回路見老小窮民挑鹽求售朱二等圖其價賤遂將
錢米大麥各易買食鹽二十餘斤不等挑至山塘地方適遇柳橋司
巡役吳俊同水手盛三吳俊停船登岸查拿陸二陸慶許大棄鹽先
遁宋二被盛三扭住難以脫身宋二輒用扁担毆盛三手腕額角偏
右盛三跌倒宋二脫逃吳俊救援不及扶盛三回舡報縣盛三越十
一日殞命續將宋二等拏獲歷審各認不諱各犯雖非與販而買食
私鹽亦應禁捕將宋二照罪人拒捕殺人律擬斬監候陸二等擬杖
分別收贖具題查定例貧難小民將鹽肩挑背負易米度日者四十
斤以下不必禁捕等語今宋二等因貧肩挑菜腐等物易賣錢米度

日路遇求售零鹽遂各易食鹽二十餘斤不等適遇巡役查拏宋二被盛三扭住原圖脫身以扁担毆傷盛三額角等處盛三越十一日斃命與販私拒捕殺人者有間應將宋二改照開毆殺人律擬絞監候該撫雖稱陸二應照買食私鹽律杖一百已經折責發落陸慶許大亦照買食私鹽律杖一百俱年未及歲照例收贖等語但陸二易買食鹽俱未及四十斤陸慶許大應照例免其收贖陸二已經發落毋庸議又稱各犯鹽斤俱已拋撒應免追變入官其私鹽買非擄灶旋經被獲失察職名應免查開等語亦毋庸議奉

旨依議

私梟拒捕殺死服姪依故殺姪定罪

雍正九年二月刑部會議覆蘇撫尹 疏稱緣江陰縣民孫士貴顧天祿謝英王二金子木康剃頭同夥六人先于雍正七年四月十四日駕船一隻至灰沙港口停泊王二登岸浼熟識之袁六寄信與秤手徐二埠頭戴元在王姓灶上運出私鹽九十八包買裝在船至壽興沙分賣又聞七月初三日萬世臣小狗二顧天祿謝英王二一共五人坐駕原船仍至灰沙港口浼袁六令徐二等送鹽九十三包登舟至大港地方顧天祿探親登岸而去萬世臣等將鹽五十包圍于萬世臣家餘鹽分賣比萬世臣總麻姪萬殿侯探知萬世臣固有私塩于十五日夜同黃泗舖司弓兵閔天一往拿被王二謝英康剃頭聞風報知令萬世臣將塩藏匿萬殿侯隨至敲門喊鄰協拏萬世臣啓戶用門門毆傷萬殿侯願門左眼下右手背王二謝英各拔身佩

小刀幫助王二刀戮萬殿侯右膝右脚腕謝英刀戮萬殿侯右腋肌左臂膊左肘左脚腕萬殿侯傷重次日殞命閔天一見毆徑目逃回屍妻王氏在萬世臣家搜出私鹽五包報官秤重一百一十斤餘鹽係萬世臣等搬棄河內獲犯驗審萬世臣又妄扳王君侯販私孫士貴又挾嫌囑王二小二狗誣扳耿文美孫漢侯宋二為夥歷審不諱除萬世侯并王二誣扳販私各輕罪不議外查萬世臣與販私鹽十人以下首先拒捕律應擬斬但係萬殿侯總麻服叔合依故殺總麻姪擬絞監候王二謝英俱依為從下手律擬絞各監候孫士貴同夥販私雖不知拒捕情事但挾嫌妄扳耿文美等為夥合依鹽徒誣指平人加三等律杖一百流三千里小狗二聽從孫士貴指使扶同扳陷與販私之罪相等應從一科斷小狗二應同未曾拒捕之顧天祿俱合依犯無引私鹽律杖一百徒三年袁六合依引領牙人律杖

九十徒二年半弓兵閔天一合依不應重律杖八十革役等因應如所題首先拒捕之萬世臣合依本宗尊長故殺總麻卑幼者絞律擬絞監候為從下手之王二謝英俱合依兵民聚眾與販私鹽十人以下拒捕殺人不論有無軍器下手者絞律擬絞監候挾嫌妄扳之孫士貴合依鹽徒誣指平人者杖一百流三千里律僉妻流三千里至配所責四十板扶同妄扳未曾拒捕之小狗二與未曾拒捕之顧天祿俱合依犯無引私鹽律徒三年至配所責四十板引領買鹽之袁六合依道途引領律徒二年半至配所責三十五板閔天一合依不應重律杖八十已經責革毋庸議康剃頭金子木戴元徐二緝獲另結再查搵犯王二既熟識之袁六寄信與徐二等在王姓灶上運私販賣豈有不知王姓名字之理且灶戶果止王姓一人焉能偶爾聞信即有私鹽一百九十餘包賣至王姓明係頓私之各灶戶

賄買梟販匿不供出承審各官並不嚴究任其以王姓一人擄塞概
行疎縱殊屬不合應令該撫作速將王姓根究確名嚴行緝獲逐一
嚴查究擬并將疎縱之承審各官速行查叅至沿途文武失察各官
職名亦卽速查補叅可也奉

旨依議

巡鹽致死五命

康熙三十七年十一月刑部會議得王連等致死劉九思等五命一
案先據直撫沈朝聘疏稱巡查私鹽衙役王連等于康熙三十五年
七月十八日前往北趙甫地方巡查私鹽適遇張進才等九人王連
等以爲販私之徒持械追趕進才等疑爲強賊奔河逃避以致劉九
思白文信蘇三道高弘亮王六等五人溺水身死將王連劉學禮均
照威逼致死律擬軍援

赦具題前來臣部以張進才等俱買賣營生並非販私之徒王連等持械
追趕以致劉九思等五人過河溺死其中恐有借查私鹽截劫財物
致死人命亦未可定行令該撫確審定擬具題到日再議等因具題
奉

旨依議欽遵咨行去後續據該撫于成龍覆審無異將王連等仍照原擬

援

赦具題臣部正議覆稟題間據吏科給事中陳詵疏稱劉九思等五人倉惶奔避渡河溺死夫貨既發賣則担負已空何得疑為販徒九思等實無私鹽使無行兇截刦情形卽遇搜查有何畏懼遂致涉水且王連等騎騾九思等徒步以騎追步行至一里有餘明明無鹽可知而帶刃趕逼不休非截刦而何九思等鬻貨而歸豈無些小錢財聞官何以槩不根究使當日五人不死則安然刦取其財惟溺死五人故又捏出私鹽誣報本縣豈可以藉此為脫卸之由劉九思等徒以王連等兇惡追擠奔迸入河而死與受殺者何異竟以援免釋放五人怨氣何由得伸請將王連等提至法司衙門逐一研訊務期究出真情按律法抵等因具題臣部查此案干連人犯甚多若行提審恐致拖累無辜應移咨該撫親加逐一嚴審務期究出真情按律定擬具

題到日再議等因具題奉

旨依議欽遵咨行去後今據該撫疏稱王連等原係騎驢並非騎騾其凶喊追趕因見張進才等背負口袋疑為販鹽原非知有錢財而行截刦至王連等供當日進才等俱從高糧地內奔竄王連等騎驢遵路而行道途各異未曾追及進才等雖賣貨得錢已買高糧等物是以王連等見背負口袋疑為販鹽實屬情真况進才等見王連騎驢帶刀凶喊原未識為巡鹽捕役則疑其為截刦盜賊而倉惶奔竄王連等果係截刦知九思等溺死此時避匿不暇何敢反行首報但王連等獲鹽三袋半之處研訊堅供獲之路傍是又難懸擬以入罪將王連仍照原擬等因援

赦具題除劉學禮病故不議外王連合依凡因事威逼人致死三命以上者發邊衛充軍事在康熙三十六年七月十九日

赦前應免罪仍革役追埋葬銀五十兩給付死者之家所獲之鹽變價入
 官自東禮既經審係無干毋庸議奉
 旨依議

白役巡鹽打死人命該管官處分

康熙二十七年八月刑部議温州府通判薛岳因衙役李耀私用白
 役巡鹽稱漁船私帶鹽斤打死人命相應照補役誣拿良民為盜用
 非刑害人致死將該管官革職例革職奉
 旨依議

革丁捕私致死人命依鬪殺律定擬

雍正七年六月刑部會議覆晉江縣民莊楠致死施欽一案據福撫
劉 疏稱緣施欽於雍正六年七月十六日夜同弟施部挑買私鹽
二担路遇族人施冷挑負魚脯而來施欽恐私鹽爲人窺見將鹽勻
分三担以施冷所挑魚脯遮蓋鹽面施欽即挑鹽前行適遇革退哨
丁莊楠探親而回見施欽挑担行走形跡倉惶疑有私鹽隨向前拉
住其担搜獲鹽斤施欽與莊楠對奪不肯放手莊楠隨以所帶防身
棍頭鑊刀打施欽右手大指施欽放下鹽担執持扁挑欲毆莊楠莊
楠又將刀架抵截傷施欽心坎倒地施欽叫喊施部施冷在後鬪聲
趕至莊楠奔遁施部施冷見施欽受傷隨將鹽斤并爲二担挑寄附
近丁轉生家中復將施欽擡回施欽越二日殞命歷審不諱莊楠非
係捕役應擬絞監候施部丁轉生施冷俱擬徒施冷廢疾收贖等因

具題前來查該撫既稱莊楠並非捕役輒用棍刀格齒將施欽毆斃莊楠不應如該撫所題照罪人不拒捕而擅殺律擬罪應將莊楠改依鬪毆殺人律擬絞監候秋後處決施部等應如該撫所題施部令依犯無引私鹽律徒三年至配所杖一百折責四十板丁轉生合依寄頓鹽貨律徒二年半至配所杖九十折責二十五板施冷合依受雇挑擔馱載律杖八十徒二年該撫既稱係廢疾應照律准其收贖私鹽二担變價入官其失察私鹽職名應令該撫作速查明題參奉旨莊楠依擬應絞着監候秋後處決餘依議

明知私鹽中途截搶致死人命依律擬斬

乾隆二年十月刑部會議覆新興縣民劉志亮等搶奪錢銀傷人安縣民麥先德一案先據廣撫楊 疏稱緣劉志亮於雍正十三年十月十四日攜帶鑲刀往山砍取鑲柄撞遇麥先德挑鹽經過劉志亮疑係私鹽喚同吳能文偕往截搶劉志亮先行喝拿吳能文即趕前搶奪麥先德給錢二百文免其免搶吳能文將錢鹽槩行奪取麥先德纏扭不放吳能文即拾石打傷麥先德偏左麥先德釋手劉志亮向前攔阻令吳能文挑鹽先回麥先德見錢鹽被奪不甘遂扭劉志亮并拾石打傷劉志亮偏左劉志亮用拳回打麥先德左眼胞麥先德復用石擲傷劉志亮頭顱劉志亮復用拳毆傷麥先德右眼胞麥先德復頭撞劉志亮劉志亮用拳打傷麥先德偏左麥先德奮力相併劉志亮畏勢退走麥先德追打劉志亮情急忙拔身帶鑲刀向

砍適中麦先德左額角倒地維時吳能文挑塩歸家亦即轉回劉志亮見麦先德傷重回家取繩拴縛麦先德頸項欲以捉獲人塩拉投路總以致繩痕扣傷麦先德頸項迨見麦先德不能行走將繩解脫令吳能文看守劉志亮往投路總江永隆赴看見麦先德傷重當令吳能文等扶麦先德至劉志亮家救治吳能文將所搶錢塩各半分受詎麦先德傷重卽于是夜殞命屢審不諱將劉志亮依白晝搶奪殺人爲首例擬斬立決照例先行刺字吳能文照爲從例擬遣劉志亮事犯在

恩赦以前應否援減聽候部議吳能文援免等因具題經臣部等衙門議覆以劉志亮因見麦先德挑塩經過疑係私塩輒行喝拿而麦先德又給錢二百文免搶以致劉志亮等疑爲實在販私遂敢將塩搶并搶奪後因麦先德扭住劉志亮拾石打傷劉志亮遂回

先德左右眼及備左等處併投明路總是劉志亮祇知私塩爲已禁之物遂行截搶以致麦先德受傷斃命與白晝搶奪殺人者有間諒撫將劉志亮等竟照搶奪殺人例分別首從問擬殊屬未協應令該撫再加詳查按律妥擬具題到日再議等因題駁去後今據署廣撫鄂疏稱查麦先德原屬異縣人氏越境買私挑回適爲劉志亮等撞遇疑係私塩起意截搶又因麦先德給錢求免搶塩致認販私是實于接錢之後并將塩斤搶奪劉志亮復因麦先德扭打遂回毆麦先德左右眼備左脫走復被麦先德追打情急用鎌刀砍傷麦先德額角殞命原與白晝搶奪財物殺人者有間前將劉志亮等照搶奪殺人例分別首從問擬誠屬未協應將劉志亮等照江省審題徐四等搶奪私塩毆傷汪守祥身死之例劉志亮改依搶奪傷人爲首斬監候律擬斬監候吳能文擬流俱照例刺字援

赦免罪等因具題查康熙三十年間據江撫鄭端題犯人徐四等搶奪汪守祥身死一案將徐四依故殺律擬斬監候爲從之張四等分別擬以軍徒等因具題經臣部等衙門議覆以徐四等明知汪守祥與販私鹽而于中途截搶不便照故殺律擬罪將徐四改爲搶奪傷人爲首者斬監候張四等改爲杖流等因具題奉

旨依議欽遵在案今劉志亮所犯與徐四等情罪相同應如諛署撫所題劉志亮合依搶奪傷人爲首斬律擬斬監候秋後處決吳能文應照爲從減一等律僉妻流三千里至配所杖一百折責四十板劉志亮吳能文俱事犯在雍正十三年十一月十四日

恩赦以前相應援免但劉志亮先經調任巡撫楊照例先行刺字題明在案今該犯已經援免其從前所刺之字應行起除仍向劉志亮名下照例追埋葬銀二十兩給付死者之家收領再該署撫疏稱本案

從前承審錯擬職名係現任新興縣知縣裘建前任肇慶府知府今陞任海南兵備道副使王元樞前任按察使解任赴京白映棠前任廣東巡撫今調任湖北巡撫楊相應附奏但查定例部駁改正將從前承審舛錯之處免其議處今知縣裘建已自行改正照例免議至巡撫楊因赴京

陛見與前任按察使白映棠肇慶府知府王元樞俱因離任在先無從改正應邀免議等語均無庸議奉

旨依議



夾帶私鹽沿途官推卸

康熙二十三年五月吏部議鳳陽衛運丁夾帶私鹽沿途失察靜海
 縣知縣曹 並未因公出境謊稱出境明係推卸相應將曹 比照
 官員奉修冲决地方或稱非係本汛推卸降一級調用例降一級調
 用奉

旨依議

回空糧船夾帶私鹽沿途失察武職因公出境免議

康熙四十八年九月兵部覆據天津總兵官師 疏稱湖廣回空糧
船夾帶私鹽一案經過失察各官均應題參等因前來應將把總牛
登科李自英王國平趙守富王正業房欲新劉成千總王自科桑天
才宮保奉守備陳鳳麟均照例各降二級留任查千把無二級可降
應革職留任都司馬定邦遊擊藍珠均照例各降一級陞任都司和
橫應照離任官例於新任內罰俸一年再把總吳文魁茹天爵千總
王奮守備張正國繆允斌該鎮既稱糧船過汛之日因公出境免其
處分奉

旨依議

失察糧船夾帶私鹽公出官仍議處

康熙五十年七月吏部查得直撫趙弘燮咨稱黃州武昌二幫回空糧船夾帶私鹽一案奉部將青縣巡檢吳廷燮革職留任今據該道詳稱夾帶私鹽之時該員蒙院差查于牙河等處堤岸河道公出似非現在本處私鹽入境者可比呈請容部准其開復擬合咨達等因前來查康熙四十四年未定新例以前失察私鹽因公出境官員俱經免議四十四年以後因定失察私鹽之例甚嚴是以康熙四十五年江南揚州府江都縣鄒二等與販私鹽一案本部將揚州府因公出境同知周在都照例降二級留任等因具題奉

旨依議欽遵在案今吳廷燮與周在都事屬一體應將該撫咨請巡檢吳廷燮開復之處毋庸議

失察衙役借巡生事因公害民處分

康熙四十年二月吏部覆直撫李 疏青縣巡鹽快手萬二同白役侯二巡見李玉祥背鹽行走侯二赶上拴縛並不容過渡兩相爭聞將李玉祥刺死查無本官失察衙役借巡生事因公害民之例惟定例內白役隨所差衙役嚇詐未經查出之官罰俸六個月等語青縣知縣黃志元應照此例罰俸六個月

失察私鹽不准因公出境

康熙五十七年閏八月吏部議得浙江巡撫朱軾疏稱諸暨縣鹽捕阮爾端等拏獲私鹽一案所有疎防署諸暨縣典史事蕭山漁浦司巡檢陳天俊等相應題叅其紹興府通判李天植知府俞卿俱因公出境合併聲明等因具題前來查例內並無因公出境免議之條應將紹興府通判李天植例革職留任知府俞卿例降二級留任俱限一年緝拏署典史事蕭山漁浦司巡檢陳天俊係署事官應于現任內革職留任其鹽驛道并該管鹽場大使行令該撫補叅其是否私梟拒捕或指鹽殺良之處俟該撫審明具題到日再議可也奉旨依議

十人以下鹽梟別汎全獲不准開復

康熙三十一年二月兵部覆安撫江有良題邵二六等販鹽一案鹽
犯係別汎全獲援十人以上例開復前來查十人以下與販私鹽擊
獲別汎私鹽一次即准還職一級與十人以上帶有軍器被別汎全
獲者免其處分之例不同應將原失察限滿不獲之宿州汎千總李
如仙仍照例罰俸一年帶原降一級緝拏可也奉

旨依議

失察私鹽獲半不准免議

康熙四十九年 月吏部議浙撫黃 疏稱鹽梟徐四十等前往沿海零星易鹽至餘姚縣地方拒捕毆傷鹽捕姜美身死一案鹽犯四人已獲一半其疎防失察應否免議等因查定例與販私鹽該管典史知縣等官失於覺察一次者降二級留在知府失於覺察一次者降一級等語獲犯過半並無免議之條應將餘姚縣典史李 知縣劉俊上虞縣典史陳豫知縣劉義紹興府通判李天植均照例各降二級留任典史無級可降革職紹興府知府勞可式照例降一級奉

旨依議

私鹽經過地方無處分

康熙四十一年七月刑部覆浙撫趙申喬題呂慶如等販私拒殺捕役黃子佩一案查先經該督撫查叅前管地方各官吏兵二部照例議處在案其私鹽經過各地方官並無處分定例且鹽犯呂慶如等已經緝獲審明定擬應將山陰縣三江場大使周禹吉都司崔武等均毋庸議奉

旨呂慶如依擬應斬呂清之依擬應絞俱着監候秋後處決餘依議

條陳擅務

雍正十年閏五月刑部會議覆建昌縣民皮應瑞捏擬鹽政條陳招搖不法一案據廣撫鄂疏稱皮應瑞原籍江西曾在廣東布政司王朝恩署內作幕雍正元年王朝恩調補浙江布政使皮應瑞隨同赴浙有許紹祖之兄許振箕借領王朝恩銀二萬兩承充連州連山二埠商人後許振箕病故許紹祖接頂埠業雍正七年四月內皮應瑞復至廣東欲圖幕地知許紹祖延請伊姪皮二振料理鹽務皮應瑞即在皮二振寓所居住遂擬鹽政條陳四款因有王朝恩舊日裁縫李義欲往奉天皮應瑞將條陳封付李義寄交刑部左侍郎王朝恩代為摺奏雍正八年十月內皮應瑞欲回原籍因伊前為總督郝相邀作幕赴肇稟辭未令進見復回省城將條陳原稿抄錄令伊姪皮二振轉送鹽運使馮元方希圖選擇當經該運使轉送督臣密

拿而皮應瑞先已回籍赴京卽拘獲皮二振許紹祖題叅發審續准部咨將皮應瑞拿獲押解到廣歷審皮應瑞堅供並無招搖鼓惑質之準商俱矢口如一將皮應瑞照軍情重事而漏泄律擬徒三年皮二振照爲從減一等擬徒二年半不行首報之許紹祖擬杖并聲明皮應瑞雖年逾七十但係宣揚密摺又與許紹祖代作呈詞未便因其年老收贖應照軍情重事而漏泄者杖徒律徒三年至配所免其折責俟徒限滿日回籍交與該地方官束再該撫旣稱皮二振將條陳原稿持送運司合依爲從減一等律擬徒二年半但係皮應瑞嫡姪應照家人共犯罪坐尊長律免議許紹祖雖不知皮應瑞妄捏條陳但不行查察首報應照不應重律杖八十先行折責發落寄信之裁縫李義據皮應瑞供並不知情已在奉大病故等語均毋庸議奉旨 議

失繳鹽引

康熙三十年二月吏部覆甘撫伊圖疏寧夏靈州花馬小池應繳鹽引經承金忠遺失一百九十六張查定例官員將已完銷引不行送部者罰俸一年等語應將署鹽捕廳事西路同知宋 照此例子見任內罰俸一年

殘引被風漂沒

康熙四十七年六月戶部議先經廣鹽圖 以保昌商人張盛先解
繳四十二年殘引一千九百道船至曲江地方被風覆船鹽引漂沒
臣部恐有重複行塩情獎行令查明再議去後今據該御史等疏稱
果係漂沒殘引一千九百道並無重複行塩情獎等因前來查該御
史等既稱此殘引果係浮沒並無重複行塩情獎應無庸議仍知照
該御史廣東巡撫奉

旨依議

銷引處分 此係處分兩廣官員餘省仍照原定例行

康熙四十六年八月吏部議覆廣鹽御史華善以康熙四十二年分
銷引一年限滿將初叅未完七分以二三小縣知縣鄭玖咨叅又康
熙四十三年分鹽課一年限滿將初叅未完三分以上護理運同事
海陽縣知縣王毓美咨叅等因查定例內銷引欠七分者降職四級
戴罪督銷又鹽課例內署運司提舉分司等署事官員欠三分者罰
俸一年但兩廣鹽課未完甚多不便照平常例議處應將初叅接征
銷引未完七分以二三小縣知縣鄭玖降五級戴罪督銷鹽課未完
三分以上專管護理運同事海陽縣知縣王毓美于現任內降三級
奉

旨依議

招商遲延

康熙三十九年十一月戶部覆廣塩沈愷會疏梧州府屬博白縣屬
 行嚴催招商並無具報所有招商遲延博白縣知縣趙廷相廣西
 塩道吳邁相應指參查定例內官員將事件遲延不結逾限不及一
 月者罰俸三個月等語應將趙廷相吳邁照例俱罰俸三個月奉
 旨依議

大使多收養廉

乾隆二年八月刑部會覆直督李 題長蘆小沽批驗所大使金演
多收養廉科派節禮生日分資并商人張鉅阻撓誼法一案據該督
又疏稱查引封等項規銀原係視銷引之多寡以為盈縮並無一定
額數而大使等養廉從前止議在于引封隨引掣簿銀內支用可足
三百二百之數並未議及收多存公收少補給之處似未足為永久
章程嗣後請令大使等負各將前項銀兩無論有餘不足俱令報明
上司按季支銷如有多餘仍行存貯以為收不足數之年即將此項
補給如敢私擅多支一經查出即照詐欺官私取財律治罪聽候部
議等語查引封等項規銀雖無定額而大使等員養廉自有定數原
未令其私自收受致滋弊竇應如所題嗣後嚴飭大使等員各將所
收銀兩俱報明上司按季支銷如有多餘仍行存貯以為補給收不

足數之項并于每年歲底將一年內收支數目報明戶部查核如敢私擅多支查出照詐欺官私取財律治罪奉

戶部議

隱匿私鹽船隻

康熙三十七年七月吏部覆蘆塩赫雅圖題靜海縣知縣鍾尚志二次捉獲私塩船隻已經七月有餘隱匿不報照定例官員凡入官用產隱匿不報者革職

私鹽變價並無飯銀送部

雍正十三年閏四月刑部咨據福督郝 咨稱查得閩省鹽課奏銷
從前據協辦京提塘朱開文來閩稟有刑部福建司經營私鹽變價
飯食銀二十四兩歷年交與坐京提塘轉送未奉明文有無被人中
飽無可稽查應解與否咨請部示等因前來查本部奏定刑名飯銀
時一應陋規俱經革除本司歷來並無催解私鹽變價飯銀稿亦未
接有諛督解交此項飯銀咨文既據朱開文稟稱歷年俱交與坐京
提塘轉送等語今福建提塘胡鎮現告假在閩應令該督就近將胡
鎮拘詢每年此項銀兩或係本部書吏或係提塘中飽之處查明報
部定議至此項私鹽變價飯銀嗣後無庸解部再似此指稱名色內
外圖財之弊恐各司尚有未盡應傳知各省再行徹底查明報部可
也

私茶

失察私茶

康熙四十一年十二月吏部議茶馬主事哈 在寶雞縣拏獲私茶
七駝犯人武生王維臣等并查取各職名等因查故縱失察茶餉並
無處分失察該地方各官之例查定例與販私鹽地方官失於覺察
者降職一級戴罪限一年內緝獲私鹽一次者還職一級等語應將
知縣典史巡檢照此例各降職一級戴罪限一年內拏獲私茶一次
准其還職一級其該管上司及經過地方尚兼各官應行令督理茶
馬主事查叅再議奉

旨依議

大清會典

卷八

課程

私茶

落地稅銀承催逾限

康熙三十六年閏三月吏部題貴撫閩興邦以普安等處未完落地稅銀將知州吳成龍等指叅查定例官員不作十分之雜項錢糧未完者降俸二級戴罪督催如年限內不完者罰俸一年仍令督催等語查此項稅銀係康熙三十一年應完銀兩遲至三十四年始行徵完應將原任普安州知州吳成龍等原任安順府知府顏光猷不便照雜項錢糧未完初叅例議處應照一年限滿未完之例每案各罰俸一年奉

旨依議

八戶虧免課程

關稅缺額處分

康熙三十八年八月吏部覆戶部等疏鳳陽關每年額增稅銀七萬九千八百三十九兩二錢一分零今寶在差一年計缺半分以上查稅差官員所缺稅銀甚多不便照定例議處將寶所缺銀兩交與該都統照數追完交部寶應交與吏部議處等因應將原任鳳陽關監督郎中寶降一級調用奉

旨依議

關稅捏報足額

康熙十一年三月刑部覆江督麻 題革職知府陳 署關徵稅缺額捏報足額銀三千五百兩該督依虛出通關計所虛出之數以監守自盜論律引盜錢糧至三百兩入已者例擬斬查例侵盜錢糧必須入已之贓數滿方坐真犯斬罪今陳 係捏報足額無入已之贓該督照例擬斬未協又律載凡稱以盜論之數皆依本律科斷律外引例不得而同等語陳 應改依虛出通關以監守自盜論四十兩斬係雜犯准徒五年律應徒五年

赦前免罪奉

旨依議

侵稅之員開報所送隱規須查明應否追繳

雍正十三年五月刑部議覆鑲紅旗漢軍都統叅奏四川夔州府知府劉天觀欺隱夔關稅羨銀兩一案奉

旨依議趙世俊着發三姓地方給與披甲人為奴此本內議稱劉天觀開出呈送各上司陋規共有銀十四萬八千餘兩應行文各該旗籍查明確寔向各名下嚴追補項等語此處該部顯有推卸之意據天觀開出應追銀兩該部便當會同各該旗將所開之項一一確查其中有應追者有不應追者俱分晰明白使應追者不得巧於隱漏不應追者不致拖累無辜如此則追欠始得公平方可云公帑有着落未有無交涉之人冤抑代為完帑之理此本內劉天觀所開之項即照此旨辦理將來凡有似此開出之項若在外省者亦應行文該督撫確查若在各旗者俱着就近會同該旗都統等查詢明確然後具題不得交與該旗一語

希圖卸責任管旗大人高下其手草率具奏

[Faded vertical text, likely bleed-through from the reverse side of the page]

成案質疑

武林洪印緒 臯山甫
同輯
繡谷饒 瀚敦夫甫

錢債

違禁取利

豪民橫行以私債準折人房屋

私債準折人妻妾子女因而好佔擬罪不赦

私債準折人妻子

得失遺物

創金折半入官

成案質疑

成案質疑

武林洪弼緒臯山甫

繡谷饒瀚敦夫甫

同輯

錢債

違禁取利

豪民橫行以私債準折人房屋

雍正七年八月刑部議覆新豐縣民李積登不法一案先據江撫布
將李積登比昭同族之中果有兇悍不法已經官司懲治之後尚
敢怙惡不悛查明從前過犯寔跡將該犯流三千里安置例擬流李
國瑞黃聖能依常人盜倉庫錢糧律擬徒楊京野依豪勢之人不告
官司以私債奪人產業律擬以杖罪收贖具題臣部以李積登賦性
兇頑惡跡多端如忤逆不孝曾經伊父送縣欲行處死因何未經審

成案質疑

卷九 錢債

違禁取利

明律治罪李積登又磊算劉天霖之子六百餘金之產天霖控道
經道批發提審將房屋斷歸劉天霖而該犯抗斷拆店亦未審結又
李積登善習拳棒打傷賈二虎經新田司巡檢詳縣該犯嗔恨扭打
巡檢如何結案亦未聲明至李積登與李國瑞等九折轉錢十日一
結每兩收利銀二錢強奪官銀咆哮公堂詈罵官長該撫將李積登
照同族之中果有兇悍不法例擬流情罪迥不相符再楊京野身為
生員放債射利逼取官銀似此貪劣理應褫革衣頂治罪今擬杖收
贖亦屬不合應令該撫逐款審明妥擬具題去後今據江撫張 疏
稱覆加嚴審如強奪官銀一款緣銀匠李國瑞黃聖能於雍正五年
十月初一日向李積登借銀二十五兩原議十日算清轉票是月二
十日前任知縣黃錦發銷養廉公費一百二十兩李積登恃強收去
銀三十一兩有已革生員楊京野亦逼收銀九兩李國瑞黃聖能各

侵用銀四十兩後經黃錦查追李積登楊京野俱交原銀李積登忿
怒詈罵李國瑞黃聖能二人黃錦鳴止李積登言詞不遜咆哮公堂
是寔至忤逆不孝一款緣積登不務恒業酗酒生事又與賈二虎打
降冒犯巡檢曾經伊父李武發於康熙五十五年呈縣處死縣以該
犯無應死之罪重責發落又磊算劉天霖之子產業六百餘金一款
因劉三衍無銀清還李積登亦抗斷不遵將店房門拆去延今案尚
未結至李積登善習拳棒打傷賈二虎經新田司巡檢詳縣該犯嗔
恨扭打一款審據李積登供認除毆詈巡檢并子孫違犯教令俱罪
止滿杖已經該縣枷責在先應免重科李積登違禁取利強奪官銀
准還私債種種不法改擬發邊外為民李國瑞黃聖能俱仍照原擬
徒罪楊京野照原擬杖罪等因具題李積登比照勢豪舉放私債挾
勢凌辱強將官銀准還私債者問罪屬有司者發邊外為民律僉妻

發邊外爲民至配所責四十板李國瑞黃聖能竟將發傾官銀擅自
私用俱合依常人盜倉庫錢糧八十兩絞係雜犯准徒五年律徒五
年至配所責四十板已革生員楊京野私放錢債逼取銀匠官銀比
照豪勢之人不告官司以私債強奪人產業律杖八十但年逾七十
應照有力圖收贖李國瑞等欠銀十四兩應照追還項劉三衍將房
准還私債李積登逼勒所致相應免議其原少積登銀兩并積登準
折店房各照原斷速催完結該撫既稱賈二虎久已外出李武發久
已物故巡檢俞亭林瞽目休致已經回籍等語應無庸議奉

旨依議

私債準折人妻妾子女因而奸佔擬罪不赦

康熙二十七年十月刑部會看得米清臣私債準折人口霸佔房田
奸佔人妻一案據直撫于會同東撫錢審擬絞杖或應否斬絞
統聽部奪具題前來查米清臣違禁取利私債滾算令家人張通寶
等將李有柱等吊打逼勒文約霸佔張樂生等房屋田地車畜準折
孔清宇妻子并張名士夫妻爲奴又奸佔名士妻王氏致命三子餓
死及賄賂高唐州皂隸董光印董光印誣指鄭義弦偷驢以致枷責
身死平毀鄭興地內坟墓等款歷審俱自認情真米清臣奸佔王氏
等處情事可惡合依凡私債準折人妻妾子女因而姦佔律擬絞監
候秋後處決不准援

赦董光印受米清臣之賄誣指鄭義弦偷伊驢拏送到州枷責身死情事
亦屬可惡合依誣告人因而致死隨行有服親屬一人律擬絞監候

秋後處決不准援免仍將董光印財產一半給與鄭義弦家皂隸胡斌朱照刑書石之方各得銀五兩俱應照律治罪但伊等事犯康熙二十五年五月初一日

上諭以前均免罪仍俱革役米清臣家人張通寰高子領劉耐崔升王老五張士才王成名孔超凡任二張小堂鄭洪升韓廷玉俱助主為虐馬惟來充當里役科斂孫海泉清錢八百七十文喬有才誣告米清臣侵佔田宅米清白違禁取利武強縣捕役齊萬強劉桂芳王緒川等私刑吊拷陳冲斗均應照律治罪但伊等事犯在康熙二十六年五月初三日

赦前俱免罪齊萬強等仍革役米賑審無干涉毋庸議其高唐州前任知

州夏恂衙役犯駐失于覺察且董光印誣指鄭義弦偷驢不行審出

竟將義弦違例加責以致身死應交與吏部議米清臣所佔房地車

畜人口銀錢并米清白多取餘利張通寰馬惟來科斂索詐之錢及

董光印等所得銀兩俱照追分別人官給主可也奉

旨米清臣董光印俱依擬應絞着監候秋後處決餘依議 謹查律準折

人妻妾子女條註云姦佔加一等論強奪姦佔者絞米清臣姦佔

王氏係準折並非強奪遽擬絞不 赦似未協

私債準折人妻子

康熙四十六年 月刑部議龍南縣叅革知縣鄭 一案據江督部
審擬前來內一欵歐德順因欠黃奎輝利穀算銀三兩憑中黃書
萬將伊夫妻幼子準折為奴以致幼孩 天死德順控縣奎輝脩銀二
十四兩交鄭 收受逐釋不究鄭 依受財律杖徒黃奎輝合依私
債準折人妻子律杖一百作中之黃書 萬依為從減一等律杖九十
歐德順夫妻釋放從良

得遺失物

創金折半入官

康熙五年七月戶部准江督郎廷佐咨查實錄開載凡人如掘井創
得金銀財帛送部者折半一分給與所得之人一分入官查侯世
儀挖田得金當照例折半應給侯世儀金三十三兩五錢七分五厘
其餘金三十三兩五錢七分五厘行令該督照數解部奉

旨依議

其... 三十三... 刑... 案... 卷... 九... 刑... 案... 彙... 編... 卷... 九... 刑... 案... 彙... 編... 卷... 九... 刑... 案... 彙... 編... 卷... 九...

刑案彙編

市廛

武林洪弘緒 臯山甫 同輯
繡谷饒 瀚敦夫甫

把持行市

霸佔行市

包攬索勒工價照把持行市擬徒

誑騙彘貨

誑騙彘人銀兩

私造斛斗秤尺

私開燒鍋不服拘拏

失察燒鍋處分治罪

失察燒鍋

失察燒鍋因公出境仍議處

不禁燒鍋

成案質疑

武林洪弼緒學山甫

同輯

繡谷饒瀚敦夫甫

市廛

把持行市

霸佔行市

康熙二十二年八月刑部議據直撫格爾古德題張文炳霸佔行市
那移集場私抽牙稅錢三百二十千內文炳得錢二百八十千伊家
人申大得錢四十千再張文煜設席邀郝茂功趙文模飲醉局賄勒
索郝茂功趙文模各得銀五十兩張文炳依凡把持行市專取其利
杖八十若已得利計贓重者准竊盜論免刺罪止杖一百流三千里
律僉妻杖流張文煜依凡用計局騙人財物者計贓准竊盜論免刺

一百兩杖一百流二千里律僉妻杖流申大依四十兩杖一百律杖一百

赦前均免罪贖銀各入官奉

旨依議

包攬勒索工價照把持行市擬徒

雍正八年九月刑部會議覆直督唐 題臨清等三幫旂丁薛璵順帶金磚到通被楊文學勒索陋規一案緣雍正七年四月內臨清等三幫糧船帶有金磚八千五百二十塊抵通旂丁薛璵等覓廠交叔楊文學隨即包攬金磚一切工價搬運到廠薛璵等即按金磚之數共給工價大制錢五十九千六百四十文又按船隻共給大制錢四千三百八十九文尚少工價錢四千文未楚楊文學索欠而薛璵等同幫人等隨呈控稽察御史批飭通州知州朱煌審訊嗣據朱煌審無勒索情事詳覆復經駁審該州未經審詳隨經稽察御史梅等具奏部議發審各犯等供認前情不諱將楊文學比照把持行市律擬徒徇縱之朱煌附叅等因具題查該督既稱楊文學包攬工價派取飯錢共折銀六十兩有零等語應如該督所題楊文學比照把

持行市專取其利贓重者准竊盜論免刺竊盜贓六十兩應徒一年半至配所杖七十折責二十五板所得工價飯錢照數追給各名下收領再該督疏稱混行率覆狗縱之通州知州朱煌相應附叅聽候部議等語今楊文學係應擬杖徒之犯該州竟不議罪混行率覆應將狗縱之通州知州朱煌照例罰俸一年奉

旨依議

誣騙貨

康熙十八年八月刑部議據福撫吳興祚題查韓登瀚會受耿精忠偽戶曹有荷蘭國委船到閩耿精忠着委登瀚管理委船貨物因登瀚賒與人胡椒等貨欠價銀五千餘兩故意拖指與人控告始將綾紗絲紬等物抵還與人查律文內凡外國人兩相交易如賒買及故意拖延騙勒遠人久候不得起程者問罪於館門首枷號一個月其誣騙財物計贓准竊盜論免刺等語韓登瀚應照此律枷號一個月杖一百流三千里

赦前免罪奉

旨依議

詎騙彘人銀兩

康熙三十五年六月刑部覆廣撫王 題李節欲詎騙彘人銀兩向
姚昔舉潛有章商量將昔舉之姪廷振有章之姪亞四從黃茅嶺小
清潛出境外賣與彘人農民才得銀二十二兩五錢該撫將李節照
私渡邊關因而潛出交通外境律絞查李節欲得銀兩將伊姪等賣
騙並非交通彘人不便照交通律擬絞但詎騙彘人銀兩合改依詎
騙外國財物者發邊衛永遠充軍律僉妻發邊衛永遠充軍同謀之
姚昔舉等合依為從減一等律各徒三年遇
赦免罪錯擬官亦照例免議奉

旨依議

私造斛斗秤尺

私開燒鍋不服拘拏

康熙三十六年閏四月刑部看得旂人張二麻子違禁燒鍋一案據
直撫沈朝聘審擬枷號具題前來查張二麻子私開燒鍋因東安縣
知縣差役往查衙役王傑等要封酒缸張二麻子不許封將封條扯
碎及至縣尹親臨仍肆咆哮知縣叫將酒缸打破燒酒流入煤爐火
起延燒房屋村人見火起鳴鑼救火並未聚眾毆打官役其馬驟因
火起驚散亦非搶奪但恃強橫違禁私賣燒酒之處歷審情真張二
麻子合依違禁蒸酒係旂下人枷號三個月鞭一百例解部枷號三
個月鞭一百張四等審係無干應毋庸議奉

旨依議

失察燒鍋處分治罪

康熙三十九年十二月刑部會看得張三等打死杜翠林一案據直
撫李光地審擬絞杖具題前來查張三與武大夥開燒鍋緣康熙三
十九年二月十一日夜杜翠林向張三舖內叩門沽酒因張三閉門
不開嚷罵而歸張三聽知不甘欲毆洩忿即使祁娃子叫翠林打酒
爲名誘之來家張三卽與翠林爭嚷先以拳毆翠林遠毆張三隨取
木棍肆擊張九持棍祁娃子揮拳各相助毆以致杜翠林受傷深重
當時殞命歷審情真張三合依同謀共毆人因而致死者以致命傷
爲重下手傷重者絞律擬絞監候秋後處決張九祁娃子傷非致命
合依餘人律杖一百折責四十板武大違禁燒鍋合比照凡奉
制書故違者杖一百律折責四十板地方劉二房主李雙槐不稽查呈報
合依不應重律杖八十劉二折責三十板李雙槐年逾七十照例收

贖再該撫疏稱失察燒鍋宛平縣知縣官承業相應附叅以聽部議等語查定例內有民賭博者將司坊官員罰俸一個月等語應將宛平縣知縣官承業照此例罰俸一個月可也奉
旨張三依擬應絞着監候秋後處決餘依議

失察燒鍋

康熙五十四年十二月吏部會議得直督趙印燮疏稱臣訪通州馬駒橋地方有私開燒鍋之家差曲陽縣知縣屠南等拏獲李奎等燒鍋一座現在發審不意訪聞寶坻縣境內復有違例私開之家差元城縣知縣呂炯等拏獲馬狼口李克之等燒鍋六座黃庄佟邦柱等燒鍋六座臣思禁止燒鍋屢奉煌煌

天語凡屬臣民各宜凜遵今飭禁不啻再三而民間嗜利私開之徒未能盡絕不將失察之官指名叅處無以儆衆將失察通州知州王友直寶坻知縣黃志元均照例各降三級調用查王友直有加六級黃志元有加二級例應抵銷但

皇上軫念民生屢頒

天語禁止燒鍋王友直等不能禁絕所有加級不准抵銷可也奉

旨依議

卷十

失察燒鍋因公出境仍議處

康熙五十六年二月禮部覆直督趙 疏稱武清屬民王元等違禁私燒所有武清縣知縣裘嚴生失察相應指叅并稱該縣委查軍需馬騾公出等因查武清縣知縣裘嚴生該撫雖稱因公出境但裘嚴生平素不行嚴查以致王元等私燒應將裘嚴生照通州知州王友直失察燒鍋議處之例降三級調用加級不准抵銷奉

旨依議

欽定四庫全書

卷十

四

私造斗秤評尺

不禁燒鍋

雍正十年九月刑部議覆三河縣防守尉穆占與知縣黃裳挾嫌互
訐一案將私開燒鍋之隆帶達等俱照違

制律杖一百折責糟鍋器具追變入官知縣黃裳不將燒鍋禁止致被武
弁挈獲殊屬違令應照律罰俸一年

刑案質疑

祭祀

武林洪弘緒臯山甫
同輯
瀟谷饒 瀚敦夫甫

祭享

偷賣祭器教官處分

齋戒之期違例娶親

忌辰演戲革職

齋戒之期演戲宴會

褻瀆神明

婦女入廟燒香

民人入天主教治罪

禁止師巫邪術

異端惑眾

異端惑眾

邪教惑眾有割付圖記者比照謀叛未成定擬

羅明忠左道惑人 另有新例擬出

私習羅教治罪併地方官失察處分

左道惑眾

創立邪教

邪術治病傷人致死

成案質疑

武林洪卯緒臯山甫 同輯

繡谷饒 瀚敦夫甫

祭祀

祭享

偷賣祭器教官處分

康熙二十四年十二月吏部議順天學政王頊齡疏廣平府學

文廟祭器被庫夫甯福起等盜去查定例官員庫內物件不行固貯以致

烏林人偷盜者降一級調用罰俸一年等語教授李涵不將

文廟祭器加意防範以致庫夫偷賣應將教授李涵訓導范瀛佩照例各

降一級調用罰俸一年教授訓導無級可降革職奉

旨依議

祭享

祭祀

祭享

齋戒之期違例娶親

雍正五年四月兵部議覆古提郭

題奏遵化營遊擊劉繼鼎于四

年十一月十三日

聖祖仁皇帝忌辰違禁娶親一案查劉繼鼎身列職官理宜遵守禮法十

一月十三日

聖祖仁皇帝忌辰乃敢娶親違例犯法莫此為甚應將劉繼鼎革職交與

刑部嚴加治罪可也

忌辰演戲革職

雍正七年二月吏部議覆山東巡察蔣洽秀跪稱泰安州州同張奇逢年近七旬作事昏瞶于十二月二十六日為伊孫完娶先于二十五日演戲宴客正月初七日不知何故又復演戲開筵查此二日俱係穿素服忌辰該員張樂設飲若罔聞知似此違例妄行有干功令所當特疏糾叅等因前來應將泰安州州同張奇逢照律革職永不敘用奉

旨依議

齊戒之期演戲宴會

雍正七年三月刑部議覆河督田 疏稱署歸德府通判徐耀祖赴
陝西押解馱騾回署于雍正六年三月十八日殺牲置酒演戲酬神
諭令各屬携眷入署看戲人皆駭異未去惟有已革劣生徐日濟因
與耀祖連宗會延其母妻到署令飲觀戲除徐耀祖凌辱屬官勒借
騾馬併與劣矜連宗各輕罪不議外該督既稱徐耀祖身為通判乃
敢干


聖祖仁皇帝聖誕齋戒之期宰牲置酒演戲宴會毫無忌憚狂悖已極應
如該督所題徐耀祖合依大不敬律擬斬立決已革生員徐日濟雖
無實緣情弊但與徐耀祖連宗又令婦女進署看戲出入無忌行止
有虧徐日濟合依違制律杖一百責四十板奉

旨以徐耀祖等文為應斬監候秋後處決餘依議

褻瀆神明

婦女入廟燒香


康熙二十四年八月刑部覆雲督王 疏僧人深遠生日宋志江同
妻蔡氏往祝因請唐明聲等飲酒散後復與蔡氏同飲適唐老二等
聞廟有婦音擁入炒鬧深遠懷恨令徒陶明宋志江往唐明聲家捏
報強劫隨報千總馬定遠轉報守備汪文光差拏唐老二酷刑夾訊
查定例武弁擅設夾棍指名參處今汪文光病故免議馬定遠依不
應重杖深遠依誣告人死罪杖流徒役宋志江依軍民人等縱令婦
女于寺觀神廟有犯律杖七十枷號一個月蔡氏比依縱令妻女於
寺觀神廟燒香律笞四十罪坐夫男其夫宋志江已擬杖枷罪不重
科唐明聲等依不應重杖陶明聽師指使無庸議唐老二省釋



民人入天主教治罪

乾隆二年十月刑部咨本部尚書尹 奏稱據西洋人戴進賢奏民人劉二照依教規在育嬰堂與小孩撒水誦經刑部夾訊將劉二滿杖枷責併行文提督五城大宛兩縣禁止天主教嚴拿教中人似此任意督私忍心誣陷希圖絕滅波及教名等因奉

旨着尹繼善查奏欽此臣查得本年九月初十日准步軍統領拿送入天主教之大興縣民劉二一案審據劉二供稱自初入天主教替小孩子治病念經用水在頭上點一點念幾句經原是天主教的風俗今年九月初七日在育嬰堂念經即被番役拿獲我入天主教是實據看守育嬰堂人陳七供這劉二是天主教的人他每月給我二百錢與我收的小兒看病本月初七日劉二來將小兒頭上撒水念他們天主教咒語摸弄時被獲各等語隨經臣部審明將劉二貽違



制例問擬柳責在案臣查雍正元年十二月內禮部議覆浙閩總督覺羅滿保請飭禁天主教一疏內稱西洋人留京者供修造時憲書及閑雜使用在外各省毫無用處愚夫愚婦聽從其教人心漸被煽惑甚無裨益嚴行禁諭令其改易如有仍前聚眾誦經等項從重治罪等因奉

旨依議又於乾隆元年三月內總理事務王大臣議覆通政使司參議查斯海請嚴禁軍民入天主教條奏凡八旗之人有入天主教者應交八旗都統嚴行禁止緝拿從重治罪仍令禮部通行曉諭在京居住之西洋人斷不可引軍民人等入教等因奉

旨依議欽此欽遵是軍民人等不許違禁入天主教定例昭然所宜內外凜遵毋容違犯者也今劉一以民人擅入天主教在育嬰堂咒水行法其爲違

制供証確鑿擬以柳責情罪相符因慮軍民人等不知定例森嚴致有誤入其教懼於罪愆是以再行移咨提督五城通飭曉諭所以申嚴功令儆醒愚頑此皆恪遵定例辦理至於刑訊劉二之處因劉二咒水事屬邪術情形詭異該犯到案不吐實情遂套夾嚇訊一次法司審鞫案情理宜執法實非過情夫異端惑世誣民亟宜防微杜漸西洋人等本非正教惟因其畧知數學仰蒙

列祖柔遠之心不合概行驅逐並非許其行教中國轉輾授受惑我齊民售伊邪說也况今柳責之劉二乃係大興縣民人妄入天主教者非天主教之西洋人也治民人之入其教非併西洋人而治之也若如戴進賢等所奏民人劉二照依教規不應查究是其意將欲率中國之人咸習其荒誕不經之教不許法司過問而後快矣法司遵例執法自治中國民人有何私弊而反指稱營私誣陷混行詆毀謬妄殊

其雖外國遠人原屬無知可免深求而政體風化所關應請嚴加申飭俾知儆惕至西洋天主教之教最易惑人畧一寬弛為害不淺自應恪遵定例京城外省仍行一體查禁臣謹將柳責劉二及曉示民人不得擅入天主教緣由查明奏聞伏乞

皇上睿鑒施行奉

旨知道了

禁止師巫邪術

異端惑眾

康熙十五年五月刑部看得照福既係和尚留髮擅行創建廟宇行走人進伊廟內勒令拜佛將不拜之人亂罵無理之言且禮部咨稱照福口出大言等語照福合比依凡稱彌勒佛等會伴修善事煽惑人民為首者絞律擬絞監候天式既係和尚又無度牒令吃茶人拜佛天式合比依照為從者杖一百流三千里律杖流該管僧錄司僧官禮部既稱查議無容議奉

旨照福從寬免死發興寧古塔新披甲之人為奴餘依議

文苑新定

卷二十一 祭祀

禁止師巫邪術

異端惑眾

康熙 年 月刑部奏訊王清遠供我係保定府易州民將我先
前兩次擬罪革去道士問發爲民我並無田產妻子難以度日仍穿
道袍黃布上爲了遵天命演皇經請聖旨楊聖君明有道等語掛着
是實王清遠黃布上書寫大語煽惑人民是真合依一應左道亂正
之術燒香集眾夜聚曉散伴修善事煽惑人民爲首者絞律擬絞監
候病故母容議奉

旨依議 又禮部議刑部疏稱道士王清遠黃布上書寫大語煽惑人民
是真病故母容議道官道錄司交禮部議等語查道士王清遠所住
小龍廟既經霸昌道查係昌平州所屬應將道錄司馬 北城道官
侯 毋庸議定例內僧道不給度牒私自簪剃者杖八十爲民僧道
知而不舉者各罷職還俗等語道士王清遠並無度牒又黃布上書

寫大語煽惑人民在沙河居住兩月餘該管昌平州道正王 不行
查出應將王 革職交與該地方官責三十板還俗所給道正劄付
繳部銷燬遺缺另選頂補奉

旨依議

邪教惑眾有劄付圖記者比照謀叛未成定擬

康熙三十四年七月刑部會看得邱慶明等邪教一案據江督范永
勳審擬絞流具題前來有邱慶明老而好佛緣有推命之謝蓮生知
可愚弄自稱為白蓮教又捏稱有朱三太子之子為牛提督名茂李
者係彌勒佛下降給有偽劄封條知慶明有齋友劉永祿廖永茂李
君祿邱圖記四顆慶明用米二升買寄與永祿經卷箱內誘兵丁方
未虎等買劄復倡徐命九破城之說恐嚇圖騙邱慶明應炤左道惑
眾律議擬四川省左道陳玉龍等比照謀叛律議擬今邱慶明倡言
惑眾并有劄付圖記及捏稱提督之名應比炤謀叛未成為首者律
擬絞立決劉永祿合比炤為從者杖一百流三千里律杖一百流三
千里查吏部曾經查取失察地方各官職名今該督疏稱此案係兵
丁方未虎等稟首隨經營縣拘獲則該管地方各官並未失察似應

免祭等語外毋容議奉

旨邱慶明着卽處絞餘依議

私習羅教治罪併地方官失察處分

雍正十一年七月刑部覆先雍正五年十二月十一日奉

上諭將漕運總督張大有摺奏羅教一案交提督阿齊圖刑部尚書德明
密拿騰經拿獲羅道卽羅明忠錄取口供面奏奉

旨着發往寧古塔安插在案續於雍正六年十二月內經

盛京兵部侍郎永福摺奏奉天等處亦有羅教滕進祿等在彼處生事
業將滕進祿等嚴拿治罪等因具奏奉

旨將羅明忠拿回嚴審究擬具奏欽此隨於發遣處將羅明忠拿回併將
供出在京同教之孫一先夏義魏一美趙文通馮三長賈守貴徐進
祿賈吉宰拿獲到案嚴審始據羅明忠供出各省同教之王道等卽
於雍正七年十二月十三日密行各省督撫訪拿驅除羅教去後續
據直督將羅教王道等拿獲解部經原任提督阿齊圖等訊明王道

等雖係教內之人自五十七年禁止之後各自爲業度日並無生事
爲匪且俱與羅明忠並未認識當經將王道等遞回原籍交與地方
官嚴行管束取有印結收管存案因各省尚未咨覆又節次行催始
據江南浙江山西山東廣東五省各督撫等咨覆拿獲羅教人等訊
明內有無知入教者或從前入教後經改過者堅供並無聚衆生事
爲匪且俱與羅明忠並未認識業經就近酌量分別責釋等因又據
盛京兵部順天府湖廣雲南福建四川廣西河南江西陝西貴州甘肅
十一省各督撫等先後咨覆各屬並無羅教緣由今始到齊查羅明
忠卽羅道邪教之子孫從前犯罪時蒙

皇上天恩不卽治罪將伊發往寧古塔地方居住乃羅明忠並不悔改隱
瞞同教多人及到關外復勾引教內之滕進禱招搖生事後經拿獲
來京嚴審始將各省所有教內之人供出着此羅明忠總無悔改之

意除各直省所有伊等同教人等已據各該督撫咨覆業經將
量分別責釋並在京拿獲之孫一先徐進祿夏義趙文通馮三長賈
守貴賈吉宰陸斤兒在監病故均不議外應將羅明忠照左道惑人
爲首律擬絞監候秋後處決魏一美雖供販依羅教自禁止之後不
敢做會但將羅教經典隱藏在家不行首出銷燬應將魏一美枷號
兩個月示衆滿日杖一百折責四十板與羅明忠之妻張氏子五斤
兒女愛姐家人張二均遞回原籍交與該地方官嚴行管束不許出
境現獲羅教經卷悉行銷燬並請嗣後如有私習羅教者一經發覺
將爲首者照左道異端煽惑人民律治罪其不行嚴查之地方各官
交與該部嚴加議處併不行查報之隣佑總甲人等均照律治罪依
命下之日通行直隸各省一體遵行奉

旨依議

左道惑衆

雍正十二年七月刑部會議覆福安縣蔡祝勾引番人聖哥窩匿嚴登家欲行天主教一案據福督郝等疏稱緣蔡祝係山僻愚民罔知法紀於雍正八年正月間在廈門搭船前往呂宋雍正十一年五月間有識認番人說及行教情事蔡祝即帶番人聖哥希回內地行教適船戶劉前郎船隻回棹蔡祝遂同聖哥求搭其船攜帶番經木箱行李等物附載前來劉前郎得聖哥船租番錢五十員于六月二十七日開船七月十九日至廈門大担外劉前郎慮恐沈口盤查復向聖哥取番錢三員僱不知姓名小漁船載聖哥等潛入內港星夜駕駛于二十日早祭祝引至漳州後坂嚴登之家劉前郎隨即回廈詎嚴登亦係奉教先于本年三月間有番人萬濟公由廣東香山澳門訪尋來閩已住其家遂將聖哥萬濟公一同藏匿誦經禮教聖哥

又給蔡祝番錢十五員潛行回家經臣等訪聞檄飭汀漳道密拿并
獲番人聖哥等同天主教經像等物續據行保鄭瑞水手邱拍聞知
奔赴稟首并查明嚴登即武生嚴秋移咨片革歷審情真將蔡祝等
擬以絞遣徒杖等因且題應如該督等所題蔡祝合依左道惑人為
首律擬絞監候秋後處決嚴登合依為從僉妻發邊外為民船戶劉
前郎水手黃祿邱招行保鄭瑞均合依偷渡被獲澳甲地保及船戶
舵工人等知而不舉例劉前郎黃祿各徒三年至配所杖一百折責
四十板邱招鄭瑞聞知拿獲奔赴稟首合依知人欲告而自首律減
二等徒二年至配所杖八十折責三十板均俟徒限滿日交與各
該地方官嚴行管束不許出境該督等既稱番人聖哥所帶木箱行
李番錢全劉前郎名下所得番錢五十大員業經照數追出交給該
番收領差員押往廈門經泉防廳配搭海澄縣船戶陳忠船隻于雍正

十二年正月十二日出口回國所有嚴登名下追出番錢三十二
大員因聖哥回國在先未經給還蔡祝名下番錢十五員飭追
貯庫倘日後番民著人取領給還若不承領另充公用萬濟公已
給咨押送廣東准到粵省督臣鄂 咨覆將萬濟公押發香山縣
船令搭回國在案等語均毋庸議再該督等疏稱此案據各犯成供
在大担外惟恐汎口盤查私僱小漁船潛入內港除現在飭查確情
并取具失察職名另奏外合并聲明等語應令該督等速飭確查實
情并將失察職名查奏奉

旨蔡祝依擬應絞着監候秋後處決餘依議

創立邪教

乾隆六年八月刑部會議得馮萬倉立教騙錢一案據河撫雅疏稱馮萬倉與任君臣同村居任任君臣創立天一會名色捏造邪言誘人入教納錢當收劉黑塔並彭天祿為徒任君臣故後眾推劉黑塔為教主彭天祿隨收馮萬倉為徒馮萬倉亦收杜明宇劉文玉為徒劉文玉又收詹起孟杜仲友為徒杜明宇又收族孫杜振為徒張勤業業鐵匠因杜振誇張天一會能避災難以族祖杜明宇道行最高張勤邀請杜明宇至家告以捨錢修行張勤偕子張世寅入教劉守能同弟劉復志亦奉杜明宇為師有張起烈在張勤家習業鐵匠張勤逼令入教又有張和尚常至張勤家送麪杜明宇亦誘令入教杜振亦誘令張正陳國珍陳國英張兆張巖張檢杜有入教張勤又誘令李廷生入教經柘城縣查拘張勤等究審各犯捏供係油蠟會

當經分別枷責釋逐嗣張和尚張起烈被責悔過出教張勤仍邀泉收錢赴劉復志家轉交馮萬倉彙送劉黑塔收受經臣訪聞飭令查拿嗣經前任高邱縣知縣王之衛等拿獲杜明宇等供出教主徒眾姓名復關獲馮萬倉等到案屢審不諱除任君臣杜明宇彭天祿劉得印各病故外將馮萬倉張勤杜振劉文玉擬軍并聲明馮萬倉杜振劉文玉並無妻室張勤有妻李氏劉復志等擬杖脫逃之劉黑塔劉守能緝獲另結等因具題前來應如該撫所題馮萬倉張勤杜振劉文玉俱合依左道惑眾燒香集徒夜聚曉散為從者及稱為善友討佈施至十人以上事發屬有司者發邊外為民例應發邊外為民至配所杖一百折責四十板脫逃之劉黑塔劉守能緝獲另結該撫既稱劉復志張正詹起孟趙四俱係愚民被誘納錢並無惑眾收

情事均屬違

制符杖一百時逢執審減等先行發落張起烈張和尚張

王

等

被責悔過出教均予免議張勤之子張世寅係聽從伊父指使應緝究其聽信入教之陳國珍陳國天張兆張巖張檢杜有李廷生延廷璧朱邦佐王師付劉應科劉文科杜仲友杜廷九等俱係愚民被誘入會並未惑眾收徒應請從寬免緝仍飭令分開各原籍許自首免罪馮萬倉等所收錢文俱轉交劉黑塔收受應俟緝獲劉黑塔訊明著追馮萬倉盤費錢文照追入官杜明宇收受銀錢已經身死免追等語均應無庸議再查柘城縣丁憂知縣陸弘種既將張勤等訪拿因其捏供油蠟會名色當經分別枷責逐釋其不能審出實情應照例于補官日罰俸一年監禁遣犯二名之管獄官高邱縣典史史積山照例罰俸六個月再查此案先經該撫奏請南司縣緝獲鄰境邪教俟審明之日量加議叙等因奉

青俞允在案應將緝獲鄰境邪教杜明子彭天祿張勤杜振四名之原任
商邱縣調任密縣知縣王之衛比照鄰境地方官拿獲重罪流犯每
一名紀錄一次准其紀錄四次可也奉

旨依議

邪術治病傷人致死

乾隆四年五月刑部會議覆徐貴邪術治病將鄭氏割傷身死一案
據直督孫 疏稱緣徐貴與已故之李福廣熟識李福廣曾有
姓名卦姑子傅伊用刀斧切治氣痛病疾邪術因念徐貴貧苦
徐貴為謀生之計徐貴照法醫人多驗有王際良氣痛病發亦係徐
貴用刀斧治愈適村民傅從良因妻鄭氏染患氣痛徐貴即備言治
病之法引治王際良之病為証傅從良信以為實伊妻鄭氏因疼痛
難忍當即聽從醫治徐貴隨令鄭氏仰臥解衣用紙膠蓋將鋸刀
攔於鄭氏心坎之下令傅從良扶住刀頭自以一手扶住刀把口念
呪語又以一手扶斧擊打刀背致將鄭氏心坎下切破殞命屢審不
諱將徐貴擬絞等因具題前來應如督所題徐貴應照端公道士作
為異端法術醫人致死照闖殺律擬罪例應擬絞監候秋後處決其

不知姓名之卦始子應令該督緝獲另結傳授徐貴邪術之李福廣
 病故業經該督取具邱甘各結送部應毋庸議奉
 旨徐貴依擬應絞著監候秋後處決餘依議

